

國方志叢書·華中地方·第九四二號

據

清·杜一鴻等修，周壘等纂
清乾隆三十六年刊本

影印

江 西 省

龍泉縣志

(一)

成文出版社有限公司印行

十三 隆

龍泉縣志

龍泉縣志叙

天下郡邑皆有志溯其源昉自周官外史掌四方之志論者謂卽郡國之記古九邱之遺也厥後班固著漢書變太史公八書爲十志以記漢家一代之制度源流井然詳而有體後世記載家多取裁於班氏而其源實自古開之蓋昔先聖王統御四海慮無以周知天下之故旣命太史陳詩以觀民風命市納賈以觀好惡而又賢能有書風俗有書戶口有版山川疆域有圖有誌所以資考覽脩遺忘興賢舉能移風易俗以成一代之盛治者胥於是乎在志顧不綦重歟龍泉居吉州上流高山茂林深谷盤桓邑號巖疆舊稱難治江陰杜君宰是邑於今七年矣辛卯春余巡歷所及觀其山川風土士民恬熙諮詢耆老嘖嘖稱

述賢邑宰興學廢陞七載于茲大有造於泉也杜君以舊志體
例弗協義多踈略謬誤爰請於上憲集紳士共相纂輯重爲修
訂以成信史誠盛舉也長夏月杪厥書告成請序於余繙閱再
四余不禁詫且喜其星野氣候沿革疆域則經天官地理而綿
史鑑也其城池學署倉廩兵防戶口田賦職官選舉名宦鄉賢
則今昔存亡變易盛衰瞭然在目也若夫山川都鄙風俗人情
土宜物產則皆數年中輶軒所歷父老子弟爰諮而爰諏也且
以

圭訓綸音冠諸簡端以彰我


朝聲教四訖之源以申尊

右親

上之義雖志之創例新裁意誠善也今杜君行且進秩超遷其
遺愛於泉者不將與之志並垂不朽也歟余固樂觀其成而爲
之序

中憲大夫分巡江西吉安南贛寧兼管水利兵脩道覺羅永貴核





龍泉縣志叙

一邑之志乘一邑之政治有攸繫焉泉邑志之作於康熙癸亥者既荒陋而無足徵其何所裨於政治乃沿今八十餘年蒞斯土者率抱殘守缺以自安何耶上古結繩而治亦謂風當渾噩無資文字之繁然時既有繩纚細分焉繩既可結跡密判焉一蛛之網一蚕之綿廣狹縱橫隨所附屬而各引其緒以各就其經卽不文字而文字之機緘自具也江陰杜君之宰龍泉者七年矣久於其任而有所得乎政治之要於是乎皇然以邑乘爲念而與其邑之薦紳習掌故諮義例者一刻舊志之荒陋以徵信陳常稿成而質之余余觀其所爲圖表志傳悉徵史例而編纂之闡覈比屬之精嚴謂是近時志乘家所未有者乎而未竟

此也且夫陳壽魏收非史才耶乃操三寸不律而索米納金穢
將自暴近世隱襲其謬且以爲希墨吏梨之所有事可掊聚以
利其餘而不知操令甲者之議其後也今龍泉作志概未有此
使州邑長吏爲地方埋公事舉率是道以無所賸削於其民是
尤爲上官者之所樂聞然則政治之繫於志乘可知修舉政治
之繫於編輯志乘又可知也余因是而樂爲泉志叙余因是而
樂與杜君育政治也

時

乾隆三十六年歲次辛卯夏月之下澣

欽命江西提刑按察使司按察使龍城歐陽永福撰



重修龍泉縣志序

泉邑志乘遠無可徵其作於景泰甲戌者體例弗備而採輯尤疎續於康熙癸亥者卽仍景泰之舊而稍有所增亦重有所悞遲言體例耶邑令長曰知縣初得縣而欲求有知日計不足則月計之歲計之昔人有言初官如居暗室縣與由知又與所籍以爲知不知而馴以求至於知其爲知之受者淺而爲不知之受者已多也夫志之於縣知不知何如也往聞吉郡董別駕攝泉篆時閱泉志竟謬逐節評駁乃蒐類改編稿垂成而及瓜去稿亦遺佚無存於是邑中有志士人自爲學而家自爲書皆思有以補甲戌癸亥兩志之闕而卒未能悉訂其舛謬事固有待耶夫猶是知之謂也其啟我以知者卽囿於其所知謂吾知之

已盡耶謂吾已盡之知卽吾不易之行耶行不易而知已盡焉
乎用吾知與行也泉巖邑也舊署爲簡積弗治乾隆乙酉乃更
署爲繁疲難而肇以余承是乏余時惴惴懼弗勝謂知之難奚
言行也歷歷可指者自在而能指其歷歷者奚適之從故曰日
計之不足則月計之歲計之今余且七載於茲也此志之所以
不得徂於甲戌癸亥也余爲縣輯志余爲縣進一知字解乾隆
辛卯夏月邑令江陰杜一鶴西田謹叙



重修龍泉縣志序

邑之有志其國史之遺歟邑有志而蕪缺弗修亦職斯土者之責也然非其人則不克修修之而仍訛襲謬率臆增刪罔評穢陋無益於一邑之政治風俗轉以貽悞來者則修如弗修而且弗如其弗修龍泉爲吉郡西南邊邑界楚通粵幅員廣袤準古侯大國而崇山密菁棚寮雜布號稱巖險向者土著民淳邑列中簡尋以宰莅非人正署屢更盜賊蠭起訟獄猥積爲當事憂甲申之秋余奉檄來典郡適丁其時亟請

前院司列憲改第泉爲繁邑例得簡才調除既

奏可首以信豐令江陰杜君移宰焉迄今七載凡其有所興釐以期保乂其民者靡弗講求措注酌乎今昔之宜協乎政俗之善

不務爲赫赫名而事治民懷四境無事爰與同官及邑中有學
行士夫數輩因泉邑舊志訂其舛訛芟蕪補缺博徵慎採重加
輯修申

憲開局朞而竣事付之剞劂余得而讀之見其首列

聖訓凡有專屬於州縣士民者皆敬錄之以昭訓行而弁紀載是知

君之所以奉職與其所以修是書洵非苟焉者也中倣國史例
爲圖表志傳凡若干卷以紀一邑之常經又以祥異兵燹流傳
軼事疑信互叅者另編雜記附於末是其體例精嚴纂輯詳核
將使後之人展卷而知邑之山川人物古今風俗得其所以撫
綏而釐治之者則是志之不可不修而大有裨於是邑也豈不
以其人哉是故三長未具不可以作史一事未覈不可以修志

龍泉縣志纂修姓氏

陸定

李太衛與臣華殿學士兼禮部尚書議政大臣管內江提督提督軍務事高

晉鑲黃旗人

兵部侍郎兼都察院副都御史巡撫江西等處地方兼提督銜海

明正藍旗人

內閣學士兼禮部侍郎原任江西學政汪廷璵

安徽歙縣人

日講起居注官右春坊右庶子掌坊事提督江西學政曹文垣

安徽歙縣人

江西等處承宣布政使司布政使李

瀚奉天鑲黃旗人

江西等處提刑按察使司按察使歐陽永禔

廣西馬平人

江西等處糧儲道兼巡南撫建兼管水利魏椿年

直隸通州人

江西通省驛傳鹽法道兼巡瑞玄臨兼管水利劉

墉山東諸城人

原任江西吉南贛寧兵備道兼管水利覺羅永

貴鑲紅旗人

分巡江西吉南贛寧兵脩道兼管水利忠泰鑲白旗人

江西吉安府知府李源直隸蔚州人

纂修

龍泉縣知縣杜一鴻江蘓江陰人

參閱

龍泉縣教諭尹榮世大庾人

龍泉縣訓導許案先樂平人

督梓

署龍泉縣丞李中安徽桐城人

龍泉縣典史龐忠弼浙江山陰人

摠輯

原任河南歸德府鹿邑縣知縣候補同知周 壘

泰校

原任廣東肇慶府鶴山縣知縣曾衍蕃

分輯

舉 人鍾趾陞

恩貢生謝廷訪

援貢生梁志猷

歲貢生郭敬思

歲貢生謝大鏗

廩貢生梁如雲

廩膳生員高林萬

廩膳生員李慶萼

廩膳生員郭文葆

廩膳生員郭聖選

廩膳生員彭瑾

廩膳生員蔡宗玉

廩膳生員郭敬桂

增廣生員劉洪瀾

增廣生員項振鴻

增廣生員高璫

生員郭世洪

生員高一夔